

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Sužbene novine Zeničko-dobojskog kantona“, broj: 7/10), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 121. sjednici, održanoj dana 16.09.2021. godine, d o n o s i

ZAKLJUČAK

I.

Utvrđuje se Prijedlog Zakona o dopuni Zakona o visokom obrazovanju.

II.

Prijedlog Zakona iz tačke I. ovog zaključka upućuje se u dalju skupštinsku proceduru, po skraćenom postupku.

III.

Zaključak stupa na snagu danom donošenja.

PREMIJER

Mirnes Bašić

Broj: 02-_____/21

Datum, 16.09.2021. godine

Zenica

DOSTAVLJENO:

1x Ministarstvo za obrazovanje, nauku, kulturu i sport,

1x Stručna služba Skupštine,

1x a/a.

PRIJEDLOG

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona na _____sjednici, održanoj dana _____ 2021. godine, donosi

ZAKON O DOPUNI ZAKONA O VISOKOM OBRAZOVANJU

Član 1.

(Dopuna člana 75. – Period na koji se bira akademsko osoblje)

- (1) U Zakonu o visokom obrazovanju („Službene novine Zeničko-dobojskog kantona”, broj: 6/09, 9/13, 13/13, 4/15, 5/18, 4/19 i 19/20), u članu 75. iza stava (1), dodaje se novi stav (2), koji glasi:
- „ (2) Izuzetno od stava (1), tačke a) i b) ovog člana, zbog objektivnih okolnosti uzrokovanih odlukom nadležnih organa ili tijela o proglašenju stanja prirodne nesreće ili stanja epidemije ili pandemije ili ratnog stanja, asistentu i višem asistentu može se produžiti izborni period utvrđen stavom (1), tačakama a) i b) ovog člana, a najduže 18 mjeseci od dana isteka izbornog perioda, o čemu odluku donosi senat univerziteta“.
- (2) Dosadašnji stavovi (2) i (3) postaju stavovi (3) i (4).

Član 2.

(Stupanje na snagu)

Zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj:
Datum:
Z e n i c a

PREDSJEDAVAJUĆI

Ćazim Huskić

Obrazloženje

Pravni osnov:

Pravni osnov za donošenje ovog zakona sadržan je u članu 37. stav 1. tačka f) Ustava Zeničko-dobojskog kantona.

Razlozi za donošenje:

Senat Univerziteta u Zenici donio je Odluku o usvajanju inicijative za dopunu Zakona o visokom obrazovanju („Službene novine Zeničko-dobojskog kantona”, broj: 6/09, 9/13, 13/13, 4/15, 5/18, 4/19 i 19/20), broj: 01-02-1-2910/21. od 19.07.2021. godine kojom se omogućava, u situaciji proglašenja stanja prirodne nesreće ili stanja epidemije ili pandemije ili ratnog stanja, produženje izbornog perioda utvrđenog stavom (1), tačakama a) i b) člana 75. Zakona o visokom obrazovanju, a najduže 18 mjeseci od dana isteka izbornog perioda, o čemu odluku donosi senat univerziteta.

Obrazloženje pojedinih pravnih rješenja:

U odnosu na važeće odredbe Zakona o visokom obrazovanju, dopunom člana 75., omogućava se da senat visokoškolske ustanove, u situaciji donošenja odluke o proglašenju stanja prirodne nesreće ili stanja epidemije ili pandemije ili ratnog stanja, omogući asistentu i višem asistentu produženje izbornog perioda utvrđenog stavom (1) tačakama a) i b) člana 75. Zakona o visokom obrazovanju, a najduže 18 mjeseci od dana isteka izbornog perioda.

Zbog činjenice da je riječ o dopuni jednog člana, te da se navedena izmjena odnosi na pitanje izbornog perioda za asistente i više asistente na univerzitetu u izuzetnim situacijama donošenja odluke o proglašenju stanja prirodne nesreće ili stanja epidemije ili pandemije ili ratnog stanja predlažemo da se isti razmatra **po skraćenom postupku**.

Finansijski pokazatelji:

Predložena dopuna Zakona o visokom obrazovanju neće podrazumijevati dodatna izdvajanja u Budžetu Kantona za 2021. godinu.

S obzirom da je riječ o predloženoj dopuni u manjem obimu, odnosno da se istom bliže uređuje pitanje u izuzetnim situacijama, (proglašenja stanja prirodne nesreće ili stanja epidemije ili pandemije ili ratnog stanja), predlažemo usvajanje Prijedloga Zakona o dopuni Zakona o visokom obrazovanju **po skraćenom postupku**.